

Powšitkowne WOZJEWJENJA

njedźelu, 26. oktobra 2014

Přiležnosć k swjatej spowědži w Róžeńće

wutoru, 28. oktobra 18.30 – 19.30 hodź.	farar M. Anders, farar G. Wornar, farar D. Dzikiewicz, farar B. Jakubaš
štwórtk, 30. oktobra 18.00 – 19.00 hodź.	farar M. Anders, farar C. Hrjehor, farar B. Jakubaš, farar J. Magiera

Mandźelski seminar w Smochćicach

Přizjewjenja za mandźelski seminar wot pjatka do soboty, 28. do 29. nowembra, w Domje biskopa Bena w Smochćicach přijimuju so pisomnje hač do pónđzele, 27. oktobra, w Dekanatnym dušepastyrstwje, Młynski puć 4, we 01920 Worklecach. Formulary k tomu móža sej zajimowani w cyrkwjach sobu wzać.

Zhromadny dzeń přenjowoprawjenskich džěći

Dekanatne dušepastyrstwo přeprašuje wšitke džěći, kotrež so na přenje swjate woprawjenje přihotuja, na zhromadny dzeń pod hesłom „Cool kadla – fecich holca“ srjedu, 19. nowembra, wot 9.00 do 15.00 hodź. do Njebjelčic. Započatk je z Božej mšu w cyrkwi. Zajimcy njech so prošu hač do pónđzele, 10. nowembra, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja tři eura.

Zhromadny čas jeničce z papu w Smochćicach

Pod hesłom „Papa, powědaj raz!“ su nanojo ze swojimi džěćimi wot pjatka do njedzele, 21. do 23. nowembra, do Domu biskopa Bena w Smochćicach přeprašeni. Tam móža zhromadnje rjanej dnjej přežiwić. Planowana je na přikład slědženska rally po Budyšinje, kotrež přizamknje so wopyt jedneje z wjele wěžow města. Wosebje wažne pak je zarjadowarjej, zo mataj nan a džěćo čas za sebje. Zajimcy měli so w Smochćicach přizjewić, telefonowe čisło (03 59 35) 2 23 17. Tam zhonja tež dalše nadrobnosće.

Nyšpor a procesion ze swěčkami w Róžeńće

Towarstwo Cyrila a Metoda z.t. přeprašuje wěriwych ze wšitkich wosadow na pokutnym dnju srjedu, 19. nowembra, w 16 hodź. k nyšporu do Róžanta, kotremuž přizamknje so procesion ze swěčkami. Z tym ma so džakować za měrliwy politiski přewrót před 25 lětami, spominać na spočatk Přenjeje kaž tež Druheje swětoweje wójny, prosyć wo zdžerženje hnadowneho městna Róžanta a Božej přirody we Łužicy kaž tež wo měr a pokoj na zemi.